



MYKJE FOLK: Og etter at sjømatbordet var tomt, var det mykje folk i området ved Lindås brygge. Tjore Gardsmat opplyste at dei selde rundt 100 kilo med pølser på lørdagen. **FOTO:** Yngve Garen Svardal



KOM FOR SEINT: Jan Otto og Rikke Natland hadde tatt turen frå Frekhaug for å få med seg sjømaten, men kom for seint. Men begge var einige i at det var eit svært bra tiltak. **FOTO:** Yngve Garen Svardal



SKAPTE GOD STEMNING: Jon Hjørnevik og Dagfinn Iversen skapte knallstemning for dei som hadde tatt turen

Sjømatsuksessen på Lindås

LINDÅS: På Lindås hadde ein laga til sjømat til 2500 personar i helga. Det tok mindre enn to timar før all maten var oppeten.

YNGVE GAREN SVARDAL
yngve.svardal@nordhordland.no

– Dette er eit utruleg bra tiltak!, det seier Jan Otto Natland frå Frekhaug.

Han var ein av fleire tusen menneske som denne helga tok turen til Lindås for å få med seg verdas lengste sjømatbord.

Heile 180 meter med sjømat var plassert ut på Lindås og folket visste å kosa seg i finværet.

– Det er kjempetilleg til at det vart ein slik suksess, seier han.

Men sjømaten fekk han aldri smakt på. Den offisielle opninga var klokka tolv. Og då Natland og familien kom i 13.30-tida, var bordet tomt.

Elisabeth Tonheim var primus motor bak arrangementet, og ho lovar alt no at det kjem eit nytt sjømatbord i 2015.

– Har det skjedd ein gong på Lindås, er det vorte ein tradisjon, seier ho.

Ho var sjølvt svært godt nøgd med arrangementet.

– Det har gått over all forventning, seier ho.

Ho seier det har vore ei magisk stemning, og ho er svært nøgd med engasjementet til sambygdane sine.

– Det har vore ei fantastisk stemning. Folk har stått på hovudet i hagane sine og ordna, og heile bygda har vore med og laga til, seier ho.

– Det er ja å få med ein gong, fortel ho.

Det heile har vore eit samarbeidsprosjekt mellom 16 aktørar frå heile Lindås.

– Tanken har vore å skapa noko unikt. Og då valde vi å setja ein spiss på det heile ved å kalla det verdas lengste sjømatbord, for å ikkje goyma det vekk i alle dagane som finst rundt om, seier ho.

Ideen til det heile kom i samband med opninga av Kystogevokene i fjor.

– Folk var i fistel og hadde så lyst til at vi skulle gjera noko årleg, og få til noko på sommaren, fortel ho.

For akkurat det har Lindåsbygda sakna, eit samlande arrangement på sommarstid. Og no kan det vera at dei har fått sitt arrangement. For i tillegg til sjømatbord, var det utstillingar, málarkurs, Tempo-utstilling, som du kan lesa meir om på side 19, underhaldning ved Jon Hjørnevik, som du kan sjå eit samandrag med på nettsidene våre og fiskekonkurransar.



HEIV INNPÅ: Denne gjengen var blant dei par tusen som heiv innpå med sjømat på lørdag. Til neste år skal enno fleire munnar mettast. **FOTO:** Foto & Videograppa, Lindås ungdomslag.



BÅTLIV: Denne gjengen hadde lagt seg til ved brygga i Lindås for helga. **FOTO:** Yngve Garen Svardal



for å få med seg diktopplesing og musikk. FOTO: Yngve Garen Svardal



STEMNING: Disse fekk med seg dei vittige dikta til Hjørnevik. FOTO: Yngve Garen Svardal



HUMØR: Det var lite å seia på humøret til denne gjengen som var på Hjørnevik-framsyninga. FOTO: Yngve Garen Svardal



MAT: Dette var blant det ein fekk servert på sjømatbordet. FOTO: Foto & Video-gruppa, Lindås ungdomslag.



UTE FOR Å MYSA: Andreas Nygård Feen og Marius Kleivdal Helle var ute for å få med seg folkelivet i heimbygda. FOTO: Yngve Garen Svardal

**MARKISER
PERSIENNER**
SCREEN • GARASJEPORTER

SOMMER-
kampanje!
GODE PRISER
NÅ!

Fasade
PRODUKTER

Ring sentralbordet tlf: **911 50 200**
www.fasadeprodukter.no